



吟
物
詩
集
十
八



咏物詩選卷第七目錄

清魏塘俞琰長仁輯

日本平安大江資衡釋圭校

花部

梅花

又

又

又

蚤梅

紅梅

又

綠萼梅

鴛鴦梅

岸上梅

蠟梅

桃花

又

又

又

白桃花

李花

又

杏花

又

梨花

咏物詩選卷七目錄



又

次韻梨花

又

左掖梨花

山石榴花

海榴

水林檎花

桂

木犀

又

紅木犀

玉蘭

木蘭

辛夷花

木筆花

山茶

白山茶

玉葉花

紫薇花

又

紫藤花

海棠

又

又

西府海棠

垂絲海棠

秋海棠

又

又

白秋海棠

繡毬花

夜合花

槿花

楊花

牡丹

又

又

追和白舍人咏白牡丹

白牡丹

黃牡丹

應制粉紅雙頭牡丹

芍藥

又

瑞香

夾竹桃

茉莉

又

又

薔薇

又

又

玫瑰

司直巡官無諸移到玫瑰花

月季花

醉醺花

又

凌霄花

素馨花

芳蘭

蘭

並蒂蘭

珠蘭

挂蘭

菊

又

和魯望白菊

紅菊

西施菊

秋菊有佳色

僧鞋菊

芙蓉

木芙蓉

又

紅芙蓉

賦得芙蓉出水

蜀葵

又

又

秋葵

使院黃葵花

杜鵑花

虞美人

又

剪春羅

金燈花

玉燭花

螢花

又

石竹花

洛陽花

金錢花

玉簪花

又

蛺蝶花

麗春花

紫竹花

鳳儂花

金鳳花

鷄冠花

蓮花

並頭蓮花

池蓮

白荷花

新荷

水儂花

蓼花

朱蓼

又

白蘋花

花部附錄

賦得花影

嘆落花

落花

惜花

殘花

木部

松

題子姪書院雙松

貢院樓北新栽小松

小松

羅漢松

古栢

檜樹

題中峰杉徑

榆錢

又

槐

又

桐

孤桐

高楠

石楠

楸樹

冬青樹

桑

榿樹

梔子

木瓜

柳

又

又 又

又

又

楊柳枝詞

又

柳邊

竹

又

又

庭竹

新竹

又

長竹

斑竹

筍

謝劉仲行惠筍

木部附錄

紅樹

枯樹

賦得江邊樹

河邊枯木

紅葉

落葉

葉落

綠陰

草部

春草

曲江春草

芳草

庭草

吉祥草

繡墩草

寄生草

書庭蕉

蕉葉

菖蒲

老少年

鴈來紅

蘆

蘆花

蒲

萍

苔

又

苔錢

春苔

垣衣

尚書都堂瓦松

咏物詩選卷第七目錄終

咏物詩選卷第七

清魏塘俞琰長仁輯

日本平安大江資衡擇圭校

花部

梅花

宋林逋

暄一作

眾芳搖落獨暄妍占斷風情向小園疎影橫斜水清淺
暗香浮動月黃昏霜禽欲下先偷眼粉蝶如知合斷竟
幸有微銜可相狎不須檀板共金樽

又

明高啟

瓊枝只合在瑤臺誰向江南處處栽雪滿山中高士臥
月明林下美人來寒依疎影蕭蕭竹春掩殘香漠漠苔

自去何郎無好韻東風愁寂幾回開

又

縞被相逢半是僊平生水竹有深緣將疎尚密微經雨
似暗還明遠在煙薄暝山家松樹下嫩寒江店杏花前
秦人若解當時種不引漁郎入洞天

又

唐 李嘉祐

半落半開臨野岸團情團思媚韶光玉鱗寂寂飛斜月
素手亭亭對夕陽

早梅

唐 戎昱

一樹寒梅白玉條迥臨村路傍溪橋不知近水花先發

疑是經春雪未消

紅梅

宋 蘇軾

怕愁貪睡獨開遲自恐冰容不入時故作小紅桃杏色
尚餘孤瘦雪霜姿寒心未肯隨春態酒暈無端上玉肌
詩老不知梅格在但看綠葉與青枝

又

元 丁鶴年

姑射僊人鍊玉砂丹光晴貫洞中霞無端半夜東風起
吹作江南第一花

綠萼梅

元 謝宗可

萼綠僊人下玉堂清蕙夜化雪芬芳荷衣薄襯霓裳

蘭珮濃熏縞袂香
曉額浮酥凝淺黛
春容點翠照新粧
多因誤入羅浮夢
愁絕黃昏鬢已蒼

鴛鴦梅

兩兩魁春簇錦機
文衾夢覺月分輝
枝頭交頸棲香暖
花底同心結子肥
金殿鎖煙粧粉額
玉堂環水浴紅衣
有情一種隨流去
莫被風飄各自飛

岸上梅

唐崔魯

含情含怨一枝枝
斜壓漁家短短籬
惹袖尚餘香半日
向人如訴雨多時
初開偏稱雕梁画
未落先愁玉笛吹
行客見來無去意
解帆煙浦為題詩

餘一作

蠟梅

宋楊萬里

天向梅梢別出奇
國香未許世人知
殷勤滴蠟絨封却
却被霜風折一枝

桃花

唐太宗

禁苑春暉麗花蹊
綺樹粧綴條深淺
色點露參差光向日
分千笑迎風共一香
如何僊嶺側獨秀
隱遙芳

又

唐李中

祇應紅杏是知音
灼灼偏宜間竹陰
幾樹半開金谷曉
一蹊齊綻武陵春
艷舒百葉時皆重
子結千年事莫尋
誰步宋牆明月下
好香和影上衣襟

此詩題
唐詩鼓
吹作杏
花
疑一作
應作一
作更

又

暖觸衣襟漠漠香，
梅遮柳不勝芳。
數枝艷拂文君酒，
半里紅欹宋玉牆。
盡日無人疑悵望，
有時經雨乍淒涼。
舊山山下還如此，
回首東風一斷腸。

唐羅隱

又

千朵穠芳倚樹斜，
一枝枝綴亂紅霞。
憑君莫厭臨風看，
占斷春光是此花。

唐白敏中

白桃花

附張劭

玉蝶來爭露井春，
隔牆香動影難分。
雪裝靚裏都清致，
花映溪頭總練紋。
綽約艷魂離倩女，
風流新寡現文君。

祇愁人面重遊誤，
一樹紅芳已化雲。

李花

唐李商隱

李徑獨來數愁情，
相與懸自明。
無月夜強笑，
欲風天減粉。
與園籜分香，
沾渚蓮徐如久。
已嫁猶自玉為鈿。

又

宋汪洙

枝綴霜葩白，
無言笑曉風。
清芳誰是侶，
色間小桃紅。

杏花

唐温憲

團雪上晴梢，
紅明映碧家。
店香風起夜，
村白雨休朝。
靜落猶和蒂，
繁開正蔽條。
淡然間賞久，
無柰似嬌嬈。

又

唐吳融

園
舊作
奈似
作以
舊那
嬌非
食

水勿詩選卷七 花部

粉薄紅輕揜斂羞花中
斷得風流軟非因醉都無力
疑不成歌亦自愁獨照影時臨水畔
氣含情處出牆頭
徘徊盡日難成別更待黃昏對酒
風

梨花

金張建

蠹樹枝高茁朶稠嫩苞開破雪
搓毬碎粘粉紫鬚齊吐
潤卷丹黃葉半抽月影曉窗留
好夢雨聲深院鎖清愁
瓊胞已實香猶在散入長安賣酒樓

又

宋汪洙

院落沉沉曉花開白雪香
一枝輕帶雨淚溼貴妃粧

次韻梨花

宋黃庭堅

桃花人面各相紅不及天然玉作容
總向風塵塵莫染
輕輕籠月倚墻東

又

宋秦觀

梁園雪盡已無餘月鎖瑤枝冷自如
妬殺雙雙白燕子
故將春事往來輸

左掖梨花

唐丘為

冷艷全欺雪餘香乍入衣
春風且莫定吹向玉階飛

山石榴花十二韻

和名津津辭

唐白居易

燿燿復煌煌花中無比方
艷天宜小院條短稱低廊
本是山頭物今為砌下芳
千叢相向背萬朶互低昂
照灼

白氏長
慶集曰
山石榴
一名石
一山名
鄧名
名杜鵑
花名

連朱檻，靈瓏映粉牆。風吹添意態，日出助晶光。漸綻胭脂萼，猶含翠房。離披亂翦，綵斑駁。未勻粧，絳焰燈干。炷紅裙妓一行。此時逢國色，何處覓天香。恐合栽金闕，思將獻玉皇。好差青鳥使，封作百花王。

海榴 和名津津碎

唐 温庭筠

海榴開似火，先解報春風。葉亂裁，綠花直插鬢。紅蠟珠攢作蒂，細綵翦成叢。鄭驛多歸思，相期一笑同。

水林檎花 和名利年古

唐 鄭谷

雨露一朝新，簾籠曉景分。艷和蜂蝶動，香帶管絃聞。笑擬春無力，粧濃酒漸醺。直疑風起夜，飛去替行雲。

桂

唐 李嶠

未植銀宮裏，寧移玉殿幽。枝生無限月，花滿自然秋。俠客條為馬，仙人葉作舟。願君期道術，攀折可淹留。

木犀

宋 鄧肅

雨過西風作，晚涼連雲老。翠入新黃，清風一日來。天闕世上龍涎，不敢香。

又

宋 朱淑真

彈壓西風擅衆芳，十分秋色為伊忙。一枝淡貯書窗下，人與花心各自香。

紅木犀

明 瞿佑

滴露研朱染素秋，輕黃淡白總包羞。量空金粟知難買，擊碎珊瑚惜未收。僊友自傳丹竈術，狀元須作錦衣遊。一枝擬問嫦娥乞，管取花神暗點頭。

玉蘭

和名白毛久礼牟

明 陸樹聲

葱蘢芳樹雨初乾，樽酒花前洽笑歡。日晃簾櫳晴噴雪，風迴齋閣氣生蘭。參差玉珮排空出，爛熳香鱗擁醉看。自是東君若留客，莫教絃管易吹殘。

木蘭花

和名毛久礼牟

唐 陸龜蒙

洞庭波浪渺無津，日日征帆送遠人。幾度木蘭船上望，不知原是此花身。

辛夷花

和名古不志

柳疎梅隴少春叢，天遣花神別致功。高處朶稀難避日，動時枝弱易為風。堪將亂蕊添雲肆，若得千株便雪宮。不待羣芳應有意，等閒桃李即爭紅。

木筆花

旧註即辛夷

唐 吳融

嫵如新竹管初齊，粉膩紅輕樣可攜。誰與詩人偎檻看，好於箋墨共分題。

山茶

和名津波岐

明 張新

臙脂染就絳裙欄，琥珀粧成赤玉盤。似共東風解相識，一枝先已破春寒。

白山茶

明 瞿佑

消盡林端萬點霞，叢叢綠葉襯瑤華。
寶珠買斷春前景，宮粉粧成雪裏花。
餘子競傳丹竈術，此身甘傍玉川家。
江頭梅樹無顏色，何況溪邊瑞草芽。

玉蕊花

和名時計草

唐 王建

一樹龍蔥玉刻成，飄廊點地色輕輕。
女冠夜覓香來處，唯見階前碎月明。

紫薇

一名左留須扁里

明 薛蕙

紫薇開氣久爛熳，十旬期夏日逾。
秋序新花續故枝，楚雲輕掩冉蜀錦碎。
參差臥對山窗下，猶堪比鳳池。

又

明 錢士升

深紫嫣紅出素秋，不粘皮骨自風流。
猶憶翰林官署裏，雙雙蚪榦對南樓。

紫藤花

明 王世貞

蒙茸一架自成林，窈窕繁葩灼暮陰。
南國紅蕉將比貌，西陵松柏結同心。
裁霞綴綺光相亂，翳雨縈烟態轉深。
紫雪半庭長不掃，閒拋箸組對清陰。

海棠

唐 鄭谷

春風用意勻顏色，銷得攜觴與賦詩。
艷麗最宜新著雨，嬌妖全在欲開時。
莫愁粉黛臨窗嬾，梁廣丹青點筆遲。

朝醉暮吟看不足，羨他蝴蝶宿深枝。

又

宋 祁

薄暝霞烘爛，平明露溼鮮。長衾繡作地，密帳錦為天。

又

明 張 新

雨滋霞襯入朱顏，月下疑從姑射還。最是春工多巧思，著將色在淺深間。

西府海棠

附 張 氏

似笑如顰百媚生，臨風映日態輕盈。西施舞罷添朝倦，妃子扶來帶宿醒。開處自堪誇絕世，落時誰不羨傾城。雖然一種天香少，子美無詩亦寡情。

垂絲海棠

明 瞿 佑

嫋嫋東風拂苑牆，天機呈巧織仙裳。玉欄斜搭酣春睡，銀燭高燒照晚粧。華屋雨寒愁緒亂，綺窗日煖唾茸香。詩成倘有纖毫補，願醉佳人錦瑟傍。

秋海棠

附 張 劭

滴滴燕脂短短叢，飛來彩蝶占墻東。鴛鴦簪冷紅新點，蟋蟀欄低翠乍籠。艷態不勝寒露裏，睡情多在月明中。莫教開近芙蓉殿，長信佳人怨守宮。

又

明 陳 石 亭

露浥秋姿膩，風回宮袂涼。無緣被春色，猶得向秋陽。

又

明 俞琬綸

春色先陰到海棠，獨留此種占秋芳。
稀疎點綴猩紅小，堪佐黃花薦客觴。

白秋海棠

附 尤 闕名

画檻西偏小院東，草蟲鳴處茁芳叢。
露零乍傳粧奩粉，風緊全消淚點紅。
玉樹歌翻秋色裏，霓裳曲奏月明中。
春花漫笑甘寥落，香氣氤氳自不同。

繡毬花

和名天末利波奈

附 張 劭

積雪瓊瓏樹欲寒，艷陽偏得滿欄杆。
多情粉蝶千枝繞，無數梅花一帶攢。
露滴芳心愁宛轉，月移香影愛團圓。

紅樓難禁風拋去，蚤付金鍼譜上看。

夜合花

和名祿牟乃木

唐 元 稹

綺樹滿朝陽，融融有露光。
雨多疑濯錦，風散似分粧。
葉密煙蒙火，枝低繡拂墻。
更憐當暑見，畱咏日偏長。

槿花

和名牟久計

唐 李商隱

珠館熏燃久，玉房梳掃餘。
燒蘭才作燭，裝錦不成書。
本以亭亭遠，翻嫌脉脉疎。
回頭問殘照，殘照更空虚。

楊花

金 邢安國

細點輕團轉，復飄隋家堤岸。
灞陵橋非綿，非絮寒無用。
如雪，如霜，暖不消，狂惹客衣。
知有恨，巧尋禪榻，故相撩。

陂塘回首浮萍滿，依舊春風擺翠條。

牡丹

唐 温庭筠

水漾晴紅壓疊波，曉來金粉覆庭莎。裁成艷思偏應巧，分得春光數氣多。欲綻似含雙靨笑，正繁疑有一聲歌。華堂客散簾垂地，想凭欄杆斂翠娥。

又

唐 羅隱

似共東風別有因，絳羅高捲不勝春。若教解語應傾國，任是無情亦動人。芍藥與君為近侍，芙蓉何處避芳塵。可憐韓令功成後，辜負穠華過此身。

又

艷多煙重欲開難，紅藥當心一抹檀。公子醉歸燈下見，美人朝插鏡中看。當庭始覺春風貴，帶雨方知國色寒。日晚更將何所似，太真無力凭欄杆。

追和白舍人咏白牡丹

唐 徐寅

蓓蕾抽開紫練囊，瓊葩薰出白龍香。裁分楚女朝雲片，翦破嫦娥夜月光。雪句豈須徵柳絮，粉腮應恨貼梅粧。檻邊幾笑東籬菊，冷折金風待降霜。

白牡丹

唐 韋莊

閨中莫妬新粧婦，陌上須慚傅粉郎。昨夜月明渾似水，入門唯覺一庭香。

黃牡丹

附張劭

花品姚家舊長雄三千佳麗讓中宮蜂塗漢額由天賦
鶯織齊裳故自工富貴合粧金屋貯絲綸常捧錦幃業
洛陽仙種誇如海紅紫翻然拜下風

應制粉紅雙頭牡丹

金党懷英

春意應嫌芍藥遲一枝分秀伴雙粧並肩翠袖初酣酒
對鏡紅粧欲鬪奇上苑風煙工獻巧中天雨露本無私
更看散作人間瑞萬里黃雲麥兩岐

芍藥

唐張泌

香清粉淡怨殘春蝶翅蜂鬚戀蕊塵閑倚晚風生悵望

靜留遲日學因循休將薜荔為青鎖好與蓮花作近鄰
零落若教隨暮雨又應愁殺別離人

又

唐韓愈

浩態狂香昔未逢紅燈燦燦綠盤龍覺來獨對情驚恐
知在僊宮第幾重

瑞香

和名沈丁花

宋闕名

擎花簇粉烘晴日藹有濃香透遠風六曲欄杆凝睇處
錦籠真似玉為籠

夾竹桃

明唐順之

桃竹舊傳生碧海竹桃今見映朱欄春至芳香能共遠

身知一作

秋來花葉不同殘，疎莢灼灼分叢發。密蕊菲菲對節攢，不信千年能結子。錯疑竹實待棲鸞。

茉莉

宋朱子

曠然塵慮盡為對，夕花明密葉低層幄。冰蕤亂玉莢不，因秋露溼詎識此香清。預恐芳菲盡微陰，繞砌行。

又

附張劭

碎翦玻璃簇晚芳，肯從素奈鬪清光。翠移小樹來炎海，白放疎花過夕陽。竹几泉滋冰盞冷，紗幮風透瓦盆香。縮成一點珠毬好，添上鬆鬟浴後粧。

又

元江奎

雖無艷態驚羣目，幸有清光壓九秋。應是仙娥宴歸去，醉來掉下玉搔頭。

薔薇

唐朱慶餘

四面垂條密重陰，入夏清綠攢傷手。刺紅墮斷腸，莢粉著蜂鬚。膩光疑蝶翅，明雨中看亦好。况復值初晴。

又

唐陸龜蒙

倚牆當戶自橫陳，致得貧家不似貧。外布芳菲雖笑日，中含芒刺欲傷人。清香往往生遙茨，狂蔓看看及四鄰。遇有客來堪玩處，一端晴綺照煙新。

又

濃似猩猩初染素輕于燕燕欲凌空可憐細麗難勝日照得深紅作淺紅

玫瑰 和名波末奈須

唐 唐彦謙

麝炷騰清燎鮫紗覆綠蒙宮粧臨曉日錦段落東風無力春煙裏多愁暮雨中不知何事意深淺雨般紅

司直巡官無諸移到玫瑰花

唐 徐寅

芳菲移自越王臺竄似薔薇好並栽穠艷盡憐勝綵繪佳名誰贈作玫瑰春成錦繡風吹折天染瓊瑤日照開為報朱衣早邀客莫教零落委蒼苔

月季花 即長春

宋 韓琦

牡丹殊絕委春風籬菊蕭疎怨晚叢何似此花榮艷足四時常放淺深紅

酴醾 和名吳也於宜

宋 黃庭堅

漢宮嬌額半塗黃肌骨濃熏鴛鴦褥香日色漸遲風力細倚欄催舞白霓裳

又

金 元好問

枕幃餘韻竄清真夢裏猶來著莫人擬借濃陰作羅幕玉纓多處臥殘春

凌霄花 和名乃宇世年加津良

宋 楊繪

直饒枝幹凌霄去猶有根源與地平不道花依他樹發

鴛鴦一作和
催一作偷

強攀紅日鬪鮮明

素馨花

宋 陳傅良

羞將姿媚隨花譜愛伴孤高上月評獨恨遇寒成弱質
色香殊不避梅兄

芳蘭

唐 太宗

春暉開禁苑淑景媚蘭場映庭含淺色凝露泫浮光日
麗參差影風傳輕重香會須君子折佩裏作芬芳

蘭

宋 劉克莊

深林不語抱幽貞賴有微風遞遠馨開處何妨依薜砌
折來未肯戀金瓶孤高可挹供詩卷素淡堪移入臥屏

莫笑門無佳子弟數枝濯濯映茅庭

並蒂蘭

元 謝宗可

碧蕊連芳並萼擎春風江浦對含情不妨燕姑重占夢
應媿湘纍獨解清霜節百秊期共老國香一點為誰爭
詩人莫比雙渠怨幸有離騷日月明

珠蘭

附 張 劭

別從九畹認名蘭蠟淚霏霏點翠紈纔露囑休連串採
已花恐作未開看輕釵貫影搖金粟纖手分香替玉盤
到戶客先知異種薰風一縷麝臍寒

挂蘭

舊註即風蘭

元 謝宗可

江浦煙叢困草萊，靈根從此謝栽培。移將楚畹千年恨，付與東君一縷開。湘女久無塵土夢，靈均原是棟梁材。午窗試讀離騷罷，却怪幽香天上來。

菊

唐駱賓王

擢秀三秋晚，開方十步中。分黃俱笑日，含翠共搖風。碎影涵流動，浮香隔岸通。金翹徒可汎，玉笋竟誰同。

又

唐李山甫

籬下霜前偶得存，忍教遲晚避蘭蓀。也消造化無多力，未受陽和一點恩。裁處不容依玉砌，要時還許設金樽。陶潛沒後誰知己，露滴幽叢見淚痕。

又

宋劉子翬

青叢馥郁早抽芽，金蘂爛斑晚著花。秋意祇應宜淡泊，化工可是惜鉛華。輕烟細雨重陽節，曲檻疎籬五柳家。暮醉朝吟供採摘，更憐寒蝶共生涯。

和魯望白菊

唐皮日休

已過重陽半月，天琅華千點照。寒煙蕊香亦似浮，金靨花樣還如鏤。玉錢玩影馮妃堪，比艷鍊形蕭史好。爭妍無由摘，向牙箱裏飛上方。諸贈列僊。

紅菊

元謝宗可

錦爛重陽節，到時繁華夢裡傲。霜枝晚香帶冷，凝丹粒。

秋色封寒點絳蕤淡映殘虹迷老圃濃拖斜照落東籬
靈砂換却淵明骨倦倚西風不自知

西施菊

明瞿佑

不惜金錢買冶容移根應自館娃宮西風冷落三秋後
故國繁華一笑中蝶留連香徑晚遊人悵望屨廊空
莫教整鹿偷銜去留映蘇臺夕照紅

秋菊有佳色

唐公乘億

陶令籬邊菊秋來色更佳翠攢千片葉金翦一枝花
逐蜂鬚亂並隨蝶翅斜帶香飄綠綺和酒上烏紗散漫
搖霜彩嬌妍漏日華芳菲彭澤見稱更在誰家

僧鞋菊

和名土利加布士

附張劭

幾網鮮濃帶露懸相呼料是躡蘆年一根夙傍青蓮地
雙蕊應拈白足禪石上有香趺夜月牀頭無影脫秋煙
閒花也愛逃方外不肯東籬伴醉眠

芙蓉

唐高蟾

天上碧桃和露種日邊紅杏倚雲栽芙蓉生在秋江上
不向東風怨後開

木芙蓉

唐黃滔

黃鳥啼煙二月朝若教開即牡丹饒天嫌青帝恩光盡
留與秋風雪寂寥

又

水邊無數木芙蓉露滴胭脂色未濃正似美人初睡著
強擡清鏡照粧慵

宋 王安石

紅芙蓉

元 蒲道源

豐肌弱骨與秋宜宿酒酣來不自持豈為嚴霜成槁質
要憑初日發妍姿燕姬入畫猶嫌陋蜀錦團窠未足奇
獨對芳叢寄幽興子高真是遇僊時

賦得芙蓉出水

唐 賈謨

的皜舒芳艷紅姿映綠蘋搖風開細浪出沼媚清澹翻
影初迎日流香暗襲人獨披千葉淺不競百花春

晚照
一作

參差動龜遊次第新涉江如可採從此免迷津

蜀葵 和名津由阿不比

唐 徐寅

劍門南面樹移向會僊亭錦水饒花艷岷山帶葉青
文君慚婉婉神女讓娉婷爛熳紅兼紫飄香入繡局

又

金 姚孝錫

傾心知向日布葉解承陰空側黃金盞誰人與對斟

又

舊註人以文菊誑之故云

占城使

花與木槿花相似葉共芙蓉葉一般五尺欄杆遮不盡
還留一半與人看

秋葵 和名土呂路

明 錢士升

太陽豈是曾私照何獨茲花感舊恩日暮西風慘淡裏
依依猶欲送黃昏

使院黃葵花 和名土呂路 唐 韋 莊

薄粧新著淡黃衣對捧金爐待醮時向日似矜傾國貌
倚風如唱步虛詞乍開檀炷疑聞語試與雲和必解吹
為報同人看來好不禁秋露即離披

杜鵑花 和名佐津幾 唐 吳 融

春紅始謝又秋紅息國亾來入楚宮應是蜀冤啼不盡
更憑顏色訴西風

虞美人 和名比奈計志 明 瞿 佑

劍血多年尚有神楚歌聲裏弄殘春迎風似舞腰肢細
帶雨如含淚眼顰江畔烏騅空躑躅宮中人堪可悲辛
青青只有明妃塚長恨飄零作虜塵

又 明 孫齊之

薔薇開盡綠陰涼西國名花此際芳夜月空懸漢宮鏡
幽姿猶帶楚雲粧

翦春羅 和名我牟比 宋 翁元廣

誰把風刀翦薄羅極知造化著功多飄零易逐春光老
公子尊前奈若何

金燈花 和名底牟我伊花 唐 薛 濤

欄邊不見叢叢葉砌下惟翻艷艷叢細視欲將何物比
曉霞初疊赤城宮

玉燭花 唐劉蕡

裊裊香英三四枝亭亭紅艷照堦墀正當晚檻初開處
恰似春闈就試時少女不吹方熠燿東君偏惜未離披
夜深斜倚朱欄外擬把鄰光借與誰

萱花 和名和須連久佐 唐李咸用

芳草比君子詩人情有由祇應憐雅態未必解忘憂積
雨莎庭小微風蘇砌柔莫言開太晚猶勝勝菊花秋
又 宋石延年

移萱樹之背丹霞間縹色我有憂民心對君忘不得
石竹花 唐司空曙

一自幽山別相逢此寺中高低俱出葉深淺不分叢野
蝶難爭白庭榴暗讓紅誰憐芳草色春露到秋風
洛陽花 唐闕名

五色紛披朵朵勻數枝收盡洛陽春應疑戲綵人猶在
化作斑斕錦片新

金錢花 和名午時花 唐皮日休

陰陽為炭地為爐鑄出金錢不用模莫向人前逞顏色
不知還解齊人無

玉簪花

和名宜保志

明瞿佑

白露初凝氣候涼花神獻寶助新粧移來銀色三千界
壓盡金釵十二行秋水為神水琢骨龍涎作炷麝傳香
不須石上憂磨折長在佳人翠髻傍

又

宋黃庭堅

宴罷瑤池阿母家嫩瓊飛上紫雲車玉簪墮地無人拾
化作東南第一花

蛺蝶花

和名志也我

明唐順之

蜀地羅裁就漆園夢始通何言金翅色翻在碧林中未
辨逍遙影爭矜點綴工採春蜂起侶啄菜鳥啣蟲易溼

緣多粉難飛詎少風美人笑來撲誤使損芳叢

麗春花

和名比奈計志

宋張右史

梁苑花銷去黃臺蚤自薰不同罌子粟別是石榴羣
娜纔勝掌參差莫夢雲王郎尋水竹駐履幾殷勤

紫竹花

和名津由久左

宋晏殊

長夏幽居景不窮花開芳砌翠成叢窗南高臥追涼際
時有微香逗晚風

鳳仙花

明瞿佑

高臺不見鳳凰飛招得僊童慰所思秋露庭除蛩泣處
晚風籬落燕歸時金盆夜搗聲相應銀甲春生色更宜

好倩良工揮彩筆寫成竹葉夾桃枝

金鳳花

即鳳仙花

宋楊萬里

細看金鳳小花叢費盡司花染作工雪色白邊袍色紫
更饒深淺四般紅

鷄冠花

和名計以土

附張劭

霜後花晴發好姿枝枝獨立媚秋墀
風有冑紅纓亂啼月無聲翠羽垂
茅屋吐蕤留看處幽人側帽對談時
可知不羨雲中響嘿伴山窗作守雌

蓮花

明申時行

碧沼停寒玉紅蕖映綠波粧疑朝日麗香逐晚風多游

戲金鱗出飛揚翠羽過納涼依水榭還續采蓮歌

並頭蓮花

元魏鵬

若耶溪裏萬紅芳那似君家並蒂祥
韓壽醉醒殊態度芙蓉濃淡各梳粧
徒勞畫史丹青手漫費詞人錦繡腸
向夜酒闌明月下只疑神女伴儂郎

池蓮

金完顏疇

輕輕資質淡娟娟點綴圓池亦可憐
數點飛來荷葉兩暮香分得小江天

白荷花

唐皮日休

素蕩多蒙別艷欺此花端合在瑤池
無情有恨何人見

月曉風清欲墮時

新荷

唐李羣玉

田田八九葉散點綠池初嫩碧纒平水圓陰已蔽魚浮萍遮不合弱荷繞猶疎半在春波底芳心卷未舒

水僊花

明梁辰魚

幽花開處月微茫秋水凝神黯淡粧繞砌露濃空見影隔簾風細但聞香瑤臺夜靜黃冠溼小洞春深玉珮涼一段凌波堪畫處至今詞賦憶陳王

蓼花

唐鄭谷

簇簇復悠悠年年拂漫流差池伴黃菊冷澹過清秋晚

帶鳴蟲急寒藏宿鷺愁故溪歸不得憑仗繫漁舟

朱蓼

和名太泥

明錢士升

柔條嫋嫋動朱顏細雨微風日暮天獨有蘆花堪作伴絳霞蒼雪兩相憐

又

附錢茶

臨風弱態靈和柳照水酡顏銷恨花更是夕陽漁艇外蘋香露白助清華

白蘋花

附俞琰

青青漾水鏡浮平雪點繁葩照眼明夜半月來風露冷浪花一片認難清

花部 附錄

賦得花影

明王 偁

欲拂更紛紛空香寂不聞亂迷芳蝶夢輕護錦苔紋
月籠書幌因風上舞裙莫移庭下步蹴碎一堦雲

嘆落花

唐 韋 莊

一夜霏微露溼煙曉來和淚喪婢娟不隨殘雪埋芳草
盡逐香風上舞筵西子去時遺笑靨謝娥行處落金鈿
飄紅墮白堪惆悵少別穠華又一年

落花

宋 祁

隊素翻紅各自傷青樓烟雨忍相忘將飛更作回旋舞

風旋 一作

喪去聲

客月一作

已落猶存半面粉，滄海月歸珠迸淚。章臺人去骨遺香，可能無意傳雙蝶。盡付芳心與蜜房。

惜花

唐張泌

蝶散鶯啼尚數枝，日斜風定更離披。看多記得傷心事，金谷樓前委地時。

殘花

明丘雲霄

昨日看花花滿枝，今朝爛熳點清池。無情莫抱東風恨，作意開時是謝時。

木部

松

唐李山甫

地聳蒼龍勢抱雲，天教青共衆材分。孤標百尺雪中見，長嘯一聲風裏聞。桃李傷他真是佞，藤蘿攀爾亦非羣。平生相愛應相識，誰道修篁勝此君。

題子姪書院雙松

唐曹唐

自種雙松費幾錢，頓令院落似秋天。能藏此地新晴雨，却惹空山舊燒煙。枝壓細風過枕上，影籠殘月到窗前。莫教取次成間夢，使汝悠悠十八年。

貢院樓北新栽小松

唐錢衆仲

晚燒一作

愛此凌霄幹移來獨占春貞心初得地勁節始依人晚
月煙猶落當軒色轉新枝低無宿羽葉淨不留塵每與
芝蘭近常慙雨露勻幸因逢顧盼生植及茲辰

小松

唐杜荀鶴

自小刺頭深草裏而今漸覺出蓬蒿時人不識凌霄木
知待凌霄始道高

知一作直

羅漢松

明屠隆

何年蒼叟住禪林百尺婆娑萬壑陰四果總來成佛印
一官應不受秦侵靈根歲月跣趺久老幹風霜面壁深
謾謾回颺響空谷猶聞清夜海潮音

古栢

唐李洞

手植知何代年齊偃蓋松結根生別樹吹子落鄰峰古
幹經龍嗅高煙過鴈衝可佳繁葉盡聲不礙秋鐘

檜樹

唐秦韜玉

翠雲交幹瘦輪囷嘯兩吟風幾百春深蓋屈盤青塵尾
老皮張展黑龍鱗唯堆寒色資琴興不放秋聲染俗塵
歲月如波事如夢竟留蒼翠待何人

題中峰杉徑

宋朱子

盤回山腹轉修蛇橫入中峰小隱家好把樾杉綠徑插
待迎涼月看清華

榆錢

附張劭

五銖鑽火冶清明散作蛛飛萬箇輕歷歷選青天有色
蕭蕭簸綠地無聲根疑泉府偷靈氣樹笑銅山衍富名
遙集一囊看不得飄零空買路傷情

又

宋孔平仲

鏤雪裁綃箇箇圓日斜風定穩如穿憑誰細與東君說
買在青春費幾錢

槐

唐羅鄴

行宮門外陌銅駝兩岸分裁此最多欲到清秋近時節
爭開金蕊向關河層樓寄恨飄珠箔駿馬憐香撼玉珂

愁殺江河隨計者年年為爾賸奔波

又

唐翁承贊

雨中粧點望中黃分引蟬聲送夕陽憶昔當季隨計吏
馬蹄終日為君忙

桐

唐李嶠

孤秀嶧陽岑萋萋出眾林春光禱鳳影秋月弄圭陰高
映龍門迴雙依玉井深不因將入爨誰為作鳴琴

孤桐

唐雍陶

疎桐餘一幹風雨日蕭條歲晚琴材老天寒桂葉凋已
悲根半死復恐星全焦幸在龍門下知音肯寂寥

萋萋一作亭亭

高楠

唐杜甫

楠樹色冥冥江邊一蓋青近根開藥圃接葉製茅亭落
景陰猶冷微風韻可聽尋常絕醉困臥此片時醒

石楠

和名久須乃木

唐白居易

可憐顏色好陰涼葉翦紅殘花撲霜傘蓋低垂金翡翠
薰籠亂搭繡衣裳春芽細炷千燈焰夏蕊濃焚百和香
見說上林無此樹只教桃李占年芳

楸樹

和名幾佐佐計

唐韓愈

幾歲生成為大樹朝纏繞困長藤誰人與脫青羅帳
看吐高花萬萬層

此詩題
本集作
石榴樹
群芳譜
作枙

冬青樹

和名祢須美毛知

唐許渾

雪霰不凋色兩株交石壇未秋紅實淺經夏綠陰寒露
重蟬鳴急風多鳥宿難何如西禁柳晴舞玉闌干

桑

明于謙

一季兩度伐枝柯萬木叢中苦最多為國為民皆是汝
却教桃李聽笙歌

梭樹

和名志由呂

唐徐仲雅

葉似新蒲綠身如亂錦纏任君千度刻意氣自衝天
梳子比衆木人間誠未多於身色有用與道氣相和紅

梳子

和名久知奈志

唐杜甫

取風霜實青看雨露柯無情移得汝貴在映江河

木瓜

和名加良暮計

附張劭

秋落秋山未滿林
亦齋投我比雙金
釀成且健看花步
咏罷空存報李心
傷枕香濃憐夜煖
堆盤色久驗霜深
近來碩果留無幾
珍重東陵此素馨

柳

唐李商隱

動春何限葉撼曉
幾多枝解有相思
苦應無不舞時絮
飛藏皓蝶帶弱露
黃鸝傾國宜通體
誰來獨賞看

又

唐唐彥謙

春思春愁一萬枝
遠邨遙岸寄相思
西園有雨和苔長

南內無人拂檻垂
遊客寂寥絨遠恨
暮鶯啼叫惜芳時
晚來飛絮如霜鬢
恐為多情管別離

又

唐釋慕幽

今古憑君一贈行
幾回折盡復重生
五株斜倚淵明宅
千樹低垂太尉營
臨水帶煙藏翡翠
倚風簾雨宿流鶯
隋皇堤上依依在
曾惹當時歌吹聲

又

宋王十朋

東君於此最鍾情
粧點邨村入畫屏
向我無言看自展
與人非故眼猶青
縈牽別恨絲千尺
斷送春光絮一庭
葉底黃鸝音更好
隔溪煙雨醉時聽

又

碧玉粧成一樹高，萬條垂颺綠絲條。不知細葉誰裁出，二月春風似剪刀。

唐賀知章

又

半煙半雨江橋畔，映杏映桃山路中。會得離人無限意，千絲萬絮惹春風。

唐鄭谷

楊柳枝詞

唐劉禹錫

煬帝行宮汴水濱，數枝殘柳不勝春。晚來風起花如雪，飛入宮牆不見人。

又

輕盈嫋娜占年華，舞榭妝樓處處遮。春盡絮飛留不得，隨風好去落誰家。

柳邊

唐杜甫

只道梅花發，那知柳亦新。枝枝總到地，葉葉自開春。紫燕時翻翼，黃鸝不露身。漢南應老盡，灞上遠愁人。

竹

綠竹半含箨，新梢纔出牆。色侵書帙晚，陰過酒樽涼。雨洗娟娟淨，風吹細細香。但令無翦伐，會見拂雲長。

又

唐鄭谷

宜煙宜雨又宜風，拂水藏邨復間松。移得蕭騷從遠寺，

洗來疎淨見前峰，侵堦蘚折春芽迸。繞徑莎微夏蔭濃，
無賴杏花多。意緒數枝穿翠好，相容。

又

唐李建勳

瓊節高吹宿鳳枝，風流交我立忘歸。最憐瑟瑟斜陽下，
花影相和滿客衣。

庭竹

唐李中

偶自山僧院移歸，傍砌栽好風終日起。幽鳥有時來篩
月，牽詩興籠煙伴酒杯。南窗睡輕起蕭颯，雨聲迴。

新竹

唐元稹

新篁纔解箨，寒色已青葱。冉冉偏凝粉，蕭蕭漸引風。扶

疑凝旧作

疎多透日寥，落未成叢。唯有團團節，堅貞大小同。

又

唐劉兼

近牕臥砌兩三叢，佐靜添幽別有功。影鏤碎金初透月，
聲敲寒玉乍搖風。無憑費叟煙波碧，莫信湘妃淚點紅。
自是子猷偏愛爾，虚心高節雪霜中。

長竹

唐陳陶

青嵐帚亞思君祖，綠潤高枝憶蔡邕。長聽南園風雨夜，
恐生鱗甲盡為龍。

斑竹

附俞琰

情根萬劫總難消，帝女餘悲寄碧條。亦有懷人千點淚，

盈盈滴作海棠嬌

筍

唐李商隱

嫩籜香苞初出林於陵論價重如金皇都陸海應無數
忍翦凌雲一寸心

謝劉仲行惠筍

宋朱子

誰寄寒林新劄筍開奩喜見白差差知君調我酸寒甚
不是封侯食肉姿

木部附錄

紅樹

唐吳融

一聲南鴈已先紅
槭槭淒淒葉葉同
自是孤根非暖地
莫驚他木耐秋風
曉煙散去陰全薄
明月臨來影半空
長憶洞庭千萬樹
照山橫浦夕陽中

枯樹

唐韓愈

老樹無枝葉風霜不復侵
腹空人可過皮剥蟻還尋
寄托惟朝菌依投絕暮禽
猶堪待改火未肯但空心
賦得江邊樹

唐魚元機

草色迷荒岸煙姿入遠樓
葉鋪秋水面花落釣人頭
根

老歲魚窟枝低繫客舟蕭蕭風雨夜驚夢復添愁

河邊枯木

唐長孫佐輔

野火燒枝水洗根數圍枯朽半心存應是無機承雨露
却將春色寄苔痕

紅葉

唐吳融

露染霜乾片片輕斜陽照處轉烘明和煙飄落九秋色
隨浪泛將千里情幾夜月中歲鳥影誰家庭際伴蛩聲
一時衰颯無多恨看著春風翦綠成

落葉

唐僧修睦

雨過閒田地重重落盡紅翻思向春日肯信有秋風幾

處隨流水何邊亂暮空祇應松自立而不與君同

葉落

唐吳融

紅影飄來翠影疎一辭林表不知歸伴愁無色煙猶在
替恨成啼露未晞若逐水流應萬里莫因風起便孤飛
楚郊千樹秋聲急日暮紛紛惹客衣

綠陰

元謝宗可

萬樹東風湧翠瀾遮藏芳恨料應難入簾蒼靄暮春晚
滿地碧雲清晝寒柳暗池臺煙乍溼槐深門巷雨初乾
階前花落無人到又染苔痕上石欄

擁湧一作

草部

春草

明楊基

嫩綠一作嫩碧
茸一作半茸

嫩綠柔香遠更濃春來無處不茸茸六朝舊恨斜陽裏
南浦新愁細雨中近水欲迷歌扇綠隔花偏襯舞裙紅
平川十里人歸晚無數牛羊一笛風

曲江春草

唐鄭谷

草旧作江

花落江堤簇暖煙雨餘草色遠相連香輪莫碾青青破
留與遊人一醉眠

芳草

唐羅鄴

芳草和煙暖更青閒門要路一時生年年點簡人間事

惟有春風不世情

庭草

唐杜甫

楚草經寒碧庭春入眼濃舊低收葉舉新偃捲芽重步履宜輕過開筵得屢供看花隨節序不敢強為容

吉祥草

和名觀音草

宋王元章

得名良不惡瀟灑在山房生意無休息存心固久長風霜徒自老蜂蝶為誰忙歲晚何人問山空暮雨荒

繡墩草

和名慈也乃比計

明瞿佑

沿階傍砌密成叢軟似青氈細似茸葉底收藏惟嫩攬花間映帶有芙蓉佳人拾翠行窩穩稚子攤錢坐席重

况有靈根供藥餌美名重號麥門冬

寄生草

明瞿佑

要路閒門兩不過生來惟戀舊枝柯似嫌樹底泥塗滑應愛梢頭兩露多冉冉欲遮螻蟻穴萋萋得近鳳皇巢教坊樂府多新製傳得佳名入豔歌

書庭蕉

明王守仁

簷前蕉葉綠成林長夏全無暑氣侵但得雨聲連夜靜何妨月色半牀陰新詩舊葉題將遍老菱疎桐恨轉深莫笑鄭人談訟鹿至今醒夢兩難尋

蕉葉

唐徐寅

綠綺新裁織女機，擺風搖日影離披。只因青帝行春罷，閒倚東墻卓翠旗。

菖蒲

明解縉

二尺青青古太阿，舞風斬碎一川波。長橋有影蛟龍懼，流水無聲晝夜磨。兩岸帶煙生殺氣，五更彈雨和魚歌。秋來只恐西風起，消盡鋒稜怎奈何。

老少年

和名波計以土

附張劭

暈彩暈出苔斑，如葉如花映晚山。餐盡風霜成冶質，養從蕭瑟返紅顏。微陽巧挽長春住，小草私將大造還。笑我愁根空自種，欲憑青女手全刪。

鴈來紅

旧註即老少年

明周子羽

翔鴈南來塞草秋，未霜紅葉已先愁。綠珠宴罷歸金谷，七尺珊瑚夜不收。

蘆

唐羅鄴

如練如霜乾復輕，西風處處拂江城。長垂釣叟看不足，暫泊王孫愁亦生。好傍翠樓裝月色，枉隨紅葉舞秋聲。最宜羣鷺斜陽裏，閒捕纖鱗傍爾行。

蘆花

明徐燭

江畔洲前白渺茫，蕭蕭城撼鬪秋光。輕風亂播漫天雪，斜月微添隔岸霜。半夜鴈羣清避影，數聲漁笛澹吹香。

瓊枝玉樹分明見愁絕懷人水一方

蒲

唐徐寅

濯秀盤根在碧流紫茵含露向晴抽編為細履隨君步
織作輕帆送客愁疎葉稍為投餌釣密叢遠礙採蓮舟
鴛鴦鷓鴣多情甚日日雙雙遶傍游

萍

唐陸龜蒙

曉來風約半池明重疊侵沙綠劇成不用臨池重相笑
最無根蒂是浮名

苔

唐李咸用

幾年風雨跡疊在石屏顏生處景長靜看來情儘閒
嗔

亭侵壞壁藥院掩空關每憶東行徑移筇獨自還

苔

唐徐寅

印留麋鹿野禽蹤巖壑魚磯幾處逢金谷曉凝花影重
章華春映柳陰濃石橋羽客遺前跡陳閣才人沒舊容
歸去掃除堦砌下蘚痕殘綠一重重

苔錢

唐鄭谷

春紅秋紫繞池臺箇箇圓如濟世財雨後無端滿窮巷
買花不得買愁來

春苔

唐李中

春霖催得鎖煙濃竹院莎齋徑小通誰愛落花風味處

卷旧作

莫愁門巷柳殘紅

唐李得

垣衣

漠漠復霏霏為君垣上衣昭陽葦下草應笑此生非
曉藹青春去蒼茫白露稀猶勝萍逐水流波不相依

尚書都堂瓦松

唐李華

華省樞機蹤高堂露瓦松葉因春後長花為雨來濃影

嘆曰作

混鴛鴦色光含翡翠容近天忻所寄拔地嘆無從接棟
凌雙闕連雲蓋九重寧知深澗底霜雪歲兼封

右正誤凡二十一

大江資衡識

咏物詩選卷第七終

咏物詩選卷第八目錄

清魏塘俞琰長仁輯 日本平安大江資衡釋圭校

禽部

鳳

孔雀

鶴

又

又

獨鶴

病鶴

鴈

新鴈

蚤鴈

白鴈

孤鴈

又

鴈字

又

京兆府試出籠鷓

白海青

鷹

又

雉

烏

歸鴉

鷓鴣

又

子規

又

鵲

鸚鵡

又

白鸚鵡

畫眉

畫眉禽

畫眉

鶯

又

黃鶯

聽宮鶯

燕

又

白燕

又

睡燕

新燕

歸燕

燕雛

百舌

又

春鳩

白鳩

雀

又

花上白頭翁 戴勝

啄木

桐花鳥

鴛鴦

又

又

鷗

白鷗

池上雙鳧

雙白鷺

鷺

又

鸕鶿

鷓鴣

翡翠

水鳥

鷄

鬪鷄

鷄鳴

鷄雛

花鴨

鷺

獸部

舟前小鷺兒

麟

獅

象

虎

豹

熊

紫騮馬

又

驄馬

觀內廐馬

胡馬

病馬

天馬詞

橐駝

牛

代牛言

老牛

羊

金絲犬

題大

白鹿

猿

夜猿

猿

又

白兔

黑兔

乞貓

懶貓

貓兒

碩鼠

銀鼠

鱗部

龍

雷雨起龍

鯉魚

黃魚

金魚

又

比目魚

白小

膾殘

燕窩

小魚

介部

龜

放龜

賦得鱉送人之官

水族雜部

酬寄海蟹

蛤蜊

海蜃

海參

蛙

蝌蚪

昆蟲部

蠶

蟬

又

又

又

夜蟬

聞蟬

蜂

又

又

又

蝴蝶

又

黃蝶

白蝶

紅蜻蜓

螢

又

又

又

聞蚤

促織

又

戲題鬪促織

絡緯

紡織婆

蒼蠅

蚊

蠓子

浮塵子

巴蛇

蜘蛛

蛛網

壁魚

蝸牛

蟻

咏物詩選卷八目錄終

鶴

唐李喬

黃鶴遠聯翩從鸞鳥下紫煙翱翔一萬里來去幾千年已
憇青田側時遊丹禁前莫言空警露猶冀一聞天

又

唐鄭谷

一自王喬放自由俗人行處懶迴頭睡輕旋覺松花墮
舞罷閒聽澗水流羽翼光明欺積雪風神灑落占高秋
應嫌白鷺無僂骨長伴漁翁宿葦洲

又

唐褚載

欲洗霜翎下澗邊却嫌菱刺汚香泉沙鷗浦鴈應驚訝
一舉扶搖直上天

獨鶴

唐韋莊

夕陽灘上立徘徊紅蓼風前雪翅開應為不知棲宿處
幾回飛去又飛來

病鶴

唐項斯

青雲有意力猶微豈料低回得所依幸念翅因風雨困
豈教身陷稻梁肥曾遊碧落寧無侶見有清池不忍飛
縱便他季引僂駕主人恩在亦應歸

鴈

唐鄭谷

八月悲風九月霜蓼花紅澹葦條黃石頭城下波搖影
星子灣西雲間行驚散漁家吹短笛失羣征戍鎖殘陽

間去声

便恐使誤

故鄉聞爾亦惆悵何況扁舟非故鄉

新鴈

唐吳融

湘浦深春始北歸玉關搖落又南飛數聲飄去和秋色
一字橫來背晚暉紫閣高飛雲暮暮灞川低渡雨微微
莫從思婦臺邊過未得征人萬里衣

蚤鴈

明高棅

涼霜八月塞天寒飛渡衡陽楚水寬少婦樓頭初掩瑟
一行先向夕陽看

白鴈

元謝宗可

翅老西風點綴瑕秋江難認宿蘆花雲邊字缺銀鉤斷

月下箏間玉柱斜影亂飛鷗回遠浦陣迷宿鷺落平沙
聲聲叫起蘇郎恨為帶吳霜染騶華

孤鴈

唐杜甫

孤鴈不飲啄飛鳴聲念羣誰憐一片影相失萬重雲
空盡似猶見哀多如更聞野鴉無意緒鳴噪自紛紛

又

唐崔塗

去一作塞欲
作獨旧

幾行歸去盡片影獨何之暮雨相呼失寒塘欲下遲
渚雲低暗度關月冷遙隨未必逢繒繳孤飛自可疑

鴈字

元謝宗可

蘆花月底寄秋情陣影南飛勢不停一畫寫開湘水碧

半行草破楚天青
雲戍冷印蟲書
迹煙墨濃摹鳥篆形
題盡子卿心事苦
斷文無數落寒汀

又

元闕名

不藉蒙恬筆力嘉
數行書破楚天涯
風前過處真連草
月下歸來整復斜
硯水半泓迷霧雨
錦箋千尺掛雲霞
分明寫出瀟湘景
懊惱聯翩又落沙

京兆府試出籠鵲

唐漢陽權

玉鏃分花袖金鈴出彩籠
搖心長捧日逸翮鎮生風
一點青霄裏千聲碧落中
星眸隨狡兔霜爪落飛鴻
每念提携力嘗懷搏擊功
以君能惠好不敢沒遙空

白海青

元袁易

渺渺東溟刷羽翰乍隨天馬
萬人觀孤飛雪點青雲破
一擊秋生玉宇寬賜予豈將
追鴈鴛驅除直欲辨晨鸞
江南明月難同色夢想瑤階
白露溥

鷹

明申時行

何處蒼鷹製錦條
霜林颯颯灑寒毛
攫身萬里層霄迥
側翅三秋殺氣高
狡兔還應愁窟穴
鸞鳩那敢決蓬蒿
聖朝祝網開三面
搏擊何須借爾曹

又

唐高越

雪爪星眸世所稀
摩天專待振毛衣
虞人莫漫張羅網

攬恐當
作攫攫
身字出
于杜甫
詩

未肯平原淺草飛

雉

唐李嶠

飛聲一作聲飛

白雉振朝飛聲來表太平楚郊疑鳳出陳寶若鷄鳴童子懷仁至中郎作賦成冀君看飲啄耿介獨含情

鳥

日落歸飛急霜臺夕影寒聯翩依月樹迢遞繞風竿白首何季改清琴此夜彈靈臺如可托千里向長安

歸鴉

明高啓

啞啞噪夕暉爭宿不爭飛未逐冥鴻去長先野鶴歸荒村流水遠古戍淡煙微借問寒林樹何枝可相依

鷓鴣

唐鄭谷

暖戲煙蕪錦翼齊品流應得近山鷄兩昏青草湖邊過花落黃陵廟裏啼遊子乍聞征袖溼佳人纔唱翠眉低相呼相喚湘江闊苦竹叢深春日西

又

唐元晟

背霜南鴈不到處倚棹北人初聽時梅雨滿江春草歇一聲聲喚荔枝枝

子規

唐吳融

舉國繁華委逝川羽毛飄蕩一季年他山叫處花成血舊苑春來草似煙雨暗不離濃綠樹月斜長吊欲明天

湘江日暮聲悽切愁殺行人歸去船

又

唐雍陶

蜀國春城聞蜀鳥思歸聲引未歸心卻知夜夜愁相似
爾正啼時我正唼

鵲

唐徐寅

神化難源瑞即開雕陵毛羽出塵埃香閨報喜行人至
碧漢填河織女回明月解隨烏繞樹青銅寧愧雀為臺
瓊枝翠葉庭前植從待翩翩去又來

鸚鵡

唐杜甫

鸚鵡含愁思聰明憶別離翠衿渾短盡紅背謾多知未

宿舊一作舊宿

有開籠日空慚宿舊枝世人憐復損何用羽毛奇

又

明高岱

一入深籠損翠衣隴雲秦樹事全非月明萬里歸心切
花落千山舊侶稀棲傍玉樓春晝永夢回金鎖曙光微
翩翩海燕羣相趁簾幙風高得意飛

白鸚鵡

附張劭

不借禽王彩貫身雪衣孃子自精神能歌紅背爭焚素
學舞霓裳傍大真栖穩玉樓花外雨夢殘珠樹隴頭春
新來念得觀音號莫倚聰明又罵人

畫眉

小鳥平分倒暈名澹黃杏子刷雙翎雕籠妬伴因爭嫵
粧閣催人欲掃青嫩柳梢頭憐自立遠山樓上喚誰聽
前身應記張京兆叫碎花陰月滿庭

畫看禽

宋文同

盡日間窗坐好風一聲初聽下高籠公庭事簡人皆散
如在千巖萬壑中

畫看

明范言

寶髻蓬鬆錦帳垂曉晴慵起鬪花枝濃粧未必能承寵
何事幽禽喚畫看

鶯

唐羅鄴

裏裏同

暖辭雲谷背殘陽飛下東風翅漸長却笑金籠是羈絆
豈知瑤草正芬芳曉逢溪雨投紅樹晚轉官樓泣舊粧
何處離人不堪聽灞橋斜日裏垂楊

又

唐僧貫休

何處經年絕好音暖風催出轉喬林羽毛新刷陶潛菊
喉舌初調叔夜琴藏雨並棲紅杏密避久雙入綠楊深
曉來枝上千般語應共桃花說舊心

黃鶯

唐鄭谷

春雲薄薄日輝輝宮樹煙深隔水飛應爲能歌擊仙籍
麻姑乞與女真衣

聽宮鶯

唐王維

春樹遶宮牆，春鶯轉曙光。忽驚啼暫斷，移處弄還長。隱
葉棲承露，攀花出未央。遊人未應返，為此思故鄉。

燕

唐鄭谷

季去年來來去忙，春寒煙暝渡瀟湘。低飛綠岸和梅雨，
亂入紅樓揀杏梁。閒几硯中窺水淺，落花徑裏得泥香。
千言萬語無人會，又逐流鶯過短牆。

又

唐秦韜玉

不知大厦許棲無，頻已銜泥到座隅。曾與佳人並頭語，
幾回拋却繡功夫。

白燕

明袁凱

故國飄零事已非，舊時王謝見應稀。月明湘水初無影，
雪滿梁園尚未歸。柳絮池塘香入夢，梨花庭院冷侵衣。
趙家姊妹多相妬，莫向昭陽殿裏飛。

又

明瞿佑

脫却烏衣絕點埃，銀屏珠箔舊生涯。玉京老去粧初改，
王謝歸來鬢已華。避雨有時沾柳絮，夢雲何處認梨花。
飛瓊不向瑤臺去，却入尋常百姓家。

睡燕

元謝宗可

補巢銜罷落花泥，困頓東風倦翼低。金屋晝長隨蝶化，

雕梁春靜怕鶯啼，
鳧飛漢殿人應老。
夢入烏衣路轉迷，
却怪卷簾人喚醒。
小橋深巷夕陽西。

新燕

元張弘範

海棠開後月黃昏，
王謝樓臺寂寂春。
柳外東風花外雨，
香泥高壘畫堂新。

歸燕

唐杜甫

不為避霜雪，其如俦侶稀。
四時無失序，八月自知歸。
春色豈相訪，衆雛還識機。
故巢倘未毀，會傍主人飛。

燕離

唐吳融

隈恐當作畏

掠水身猶重，隈風力尚微。
瓦苔難定立，簷雨忽喧歸。
未

識重溟遠先愁，
一葉飛銜泥在他日。
兩兩占春暉。

百舌

和名葭原雀

唐杜甫

百舌來何處，重重祇報春。
知音兼眾語，整翮豈多身。
花密藏難見，枝高聽轉新。
過時如發口，君側有讒言。

又

唐王維

上蘭門外草萋萋，
未央宮中花裏棲。
亦有相隨過御苑，
不知若個向金堤。
入春解作千般語，
拂曙能先百鳥啼。
萬戶千門應覺曉，
建章何必聽鳴鷄。

春鳩

唐温憲

村南微雨新平綠，
淨無塵散睡桑條。
煖閒鳴屋脊，
春遠

聞和曉夢相應在諸鄰行樂花時節追飛見亦頻

白鴿

唐徐寅

舉翼凌空碧依入到大邦粉翎棲画閣雪影拂瓊窗振鷺堪為侶鳴鳩好作雙狎鷗歸未得覩爾憶晴江

雀

唐李嶠

大厦初成日嘉賓集杏梁銜書表周瑞入幕應王祥暮宿江城裏朝遊連水傍願齊鴻鵠志希逐鳳凰翔

又

宋李觀

繡戶珠簾見氣頻暖來寒去但安身翟公門下時飛入全勝交情斗頓人

江一作空

花上白頭翁

和名比与土里

明王綏

欲訴芳心未肯休不知春色去難留東君亦是無情物莫向花間怨白頭

戴勝

和名也津加志良

唐賈島

星點花冠道士衣紫陽官女化身飛能傳上界春消息若到蓬山莫放歸

啄木

和名計良津津幾

唐朱慶餘

丁丁向晚急還稀啄徧庭槐未肯歸終日與君除蠹害莫與無事不平飛

桐花鳥

和名左土宇土里

唐僧可明

平一作願

水物詩選卷八禽部

五色毛衣比鳳雛，深花叢裏祇如無。
美人買得偏憐惜，移向金釵重幾銖。

鴛鴦

唐崔

珏

翠鬢紅毛舞，夕暉水禽情似此。
禽稀暫分烟島，猶回首。只渡寒塘亦共飛，
映霧盡迷珠殿。瓦逐梭齊上，玉人機。採蓮無數，
蘭橈女笑指中流，羨爾歸。

又

寂寂春塘煙晚時，兩心如影共依依。
溪頭日煖眠沙穩，渡口風寒浴浪稀。
翡翠莫誇饒彩飾，鸚鵡須羨好毛衣。
蘭深芷密無人見，相逐相呼何處歸。

又

唐羅

鄴

紅閒碧靜霽煙開，錦翅雙飛去又回。
一種相連名字好，盡緣人恨別離來。

鷓鴣

唐杜

甫

江浦寒鷓戲無他，亦自饒却思翻玉羽。
隨意點青苗，雪暗還須落風生。一任飄幾羣，
滄海上清影日蕭蕭。

白鷗

唐

陸龜蒙

慣向溪頭漾淺沙，薄煙微雨足生涯。
時時失伴沈山影，往往爭飛襍浪花。
晚樹清涼還鷓鴣，舊巢零落寄蒹葭。
池塘信美應難戀，針在魚脣劍在蝦。

池上雙鳧

唐吳融

雙鳧狎得傍池臺，戲藻銜蒲遠又回。敢為稻梁凌險去，幸無鷹隼觸波來。萬絲春雨眠時亂，一片濃萍浴處開。不在籠欄夜仍好，月汀星沼賸徘徊。

雙白鷺

唐雍陶

雙鷺應憐水滿池，風飄不動頂絲垂。立當青草入先見，行傍白蓮魚未知。一足獨拳寒雨裏，數聲相叫蚤秋時。林塘得爾須增價，况與詩家物色宜。

鷺

唐鄭谷

閒立春塘煙淡淡，靜眠寒葦雨颼颼。魚翁歸後沙汀晚

飛下灘頭更自由

又

唐杜牧

雪一作霜
雪一作霜

雪衣雪髮青玉卬，羣捕魚兒溪影中。驚飛遠映碧山去，一樹梨花落晚風。

鷓鴣

和名於志士里

唐唐彥謙

一宿南塘烟雨時，好風搖動綠波微。驚離曉岸衝花去，暖下春江照影飛。華屋然絃彈歌舞，綺窗含筆淡毛衣。畫屏見後長回首，爭得雕籠莫放歸。

鷓鴣

和名波牟

唐杜牧

芝莖抽紺趾，清唳擲金梭。日翅閒張錦，風池去罨羅。靜

眠依翠荇暖戲折高荷山陰豈無爾爾字換羣鷺

翡翠

唐僧齊己

水邊飛去青難辨竹裏歸來色一般磨吻鷹鷂莫相害
白鷗鴻鴈滿沙灘

水鳥

唐吳融

煙為行止水為家兩兩三三睡暖沙為謝離鷺兼別鵲
如何禁得向天涯

鷄

唐徐寅

名參十二屬花入羽毛深守信催朝日能鳴送曉陰我
冠裝瑞璧利爪削黃金徒有稻梁感何由報德音

鬪鷄

明瞿佑

五德名稱不自持怒憑爪觜凌雄雌三郎好勝負英主
亞子爭彊豈小兒兩陣猛如劉項敵一場喜人孟韓詩
紅羅纏項收功後贏得秀觀舉酒卮

鷄鳴

唐汪遵

金距花冠傷舍樓清晨相叫一聲齊開關自有馮生計
不必天明待汝啼

鷄雛

明瞿佑

殼分混沌見精神鳳侶鸞儔暫化身傍母浴沙花徑午
隨羣啄粟草堂春饒貓屋後垂涎久飢鷄天邊側目頻

羽翼漸成文采備不陪談論亦司晨

花鴨

唐杜甫

花鴨無泥滓塔前每緩行羽毛知獨立黑白太分明不
覺羣心妬休牽衆眼驚稻梁沾汝在作意莫先鳴

鷺

唐李商隱

眠沙臥水自成羣曲岸殘曷極浦雲那解將心憐孔雀
羈雌長共故雄分

舟前小鷺兒

唐杜甫

鷺兒黃似酒對酒愛新鷺引頸噴船逼無行亂眼多翅
開遭宿雨力小困滄波客散層城暮狐狸奈若何

觀一作
待

獸部

麟

唐李嶠

漢祀應祥開魯郊西狩迴奇音中鐘呂成角喻英才畫
像臨僊閣藏書入帝臺若驚能吐哺為觀鳳凰來

獅

明夏言

金眸玉爪目懸星羣獸聞知盡駭驚怒懾能巖威凜凜
雄驅虎豹氣英英曾聞西國嘗馴養今出中華應太平
却羨文殊能服爾穩騎駕馭下天京

象

附 吳偉業

神象何年至傳聞自戰場齒能齧玉德性不受金粉白

獸部

足跡跌坐黃門拜舞行越人歸駕馭未許鼻亭狂

虎

元於汝玉

班寅贏得號將軍月黑深山星目分長嘯一聲風括地
雄跳三勦獸奔羣不堪羊質披文炳無奈狐行假燄熏
摯毒由來人共憚豈知更有猛於君

豹

唐李嶠

車法肇宗周懿文闡大猷還將君子變來蘊太公籌委
質起羊羣飛名列虎侯若令逢雨露長隱南山幽

熊

導浴宜陽右乘春別館前昭儀忠漢日太傅翊周年列

射三侯滿興師七步旋莫言舒紫褥猶異飲清泉

紫騮馬

唐沈佺期

青玉紫駟鞍驕多影屢盤荷君能前拂蹀躞噴桑乾
足追奔易長鳴遇賞難樅金一萬里霜露不辭寒

又

唐秦韜玉

渥洼奇骨本難求况是豪家重紫騮臆大宜懸銀壓膝
力渾欺著玉銜頭生瘳弄影風隨步躑躅衝塵汗滿漉
若遇丈夫能控馭任從騎取覓封侯

驄馬

唐萬楚

金絡青驄白玉鞍長鞭紫陌野遊盤朝驅東道塵恒滅

暮到河源日未闌，汗血每隨邊地苦。蹄傷不憚隴陰寒，君能一飲長城窟。為報天山行路難。

觀內廐馬

明曾棨

繡勒雕鞍七寶裝，天閑十二見飛黃。行驂鸞輅隨仙仗，嘶過龍樓識御香。玉轡按時經細柳，錦條控處獵長楊。虎文鳳臆真無匹，浪說周家八駿良。

胡馬

唐杜甫

胡馬大宛名，鋒稜瘦骨成。竹批雙耳峻，風入四蹄輕。所向無空闊，真堪托死生。驍騰有如此，萬里可横行。

病馬

乘爾亦已久，天寒關塞深。塵中老盡力，歲晚病傷心。毛骨豈殊眾，馴良猶至今。物微意不淺，感動一沈吟。

天馬詞

唐張仲素

躑躅宛駒齒，未齊掞金噴。玉向風嘶來，時欲盡金河道。獵獵輕風在碧蹄。

蒙駝

附吳偉業

獨任三軍苦，安西萬里行。鑄銅疑鶴頸，和角廢驢鳴。山負祁連重，泉知鄯善清。可憐終後載，汗血擅功名。

牛

唐李嶠

齊歌初入相，燕陣蚤橫功。欲向桃林下，先過梓樹中。在

冥頻端月奔夢屢驚風不用五丁士如何九折通

代牛言

唐劉又

渴飲潁川水飢喘吳門月黃金如可種我力終不歇

老牛

元宋无

草繩穿鼻繫柴扉殘喘無人問是非春雨一犁鞭不動
夕陽空送牧兒歸

羊

唐李嶠

絕飲懲澆俗行驅夢逸材仙人擁石去童子馭車來夜
玉含星動晨羶映雪開莫言鴻漸力長牧上林隈

金絲犬

和名須以計年

明瞿佑

銜恐銜字

擺尾搖頭慶所遭愛同獅子銜金毛花前喜共狸奴戲
月下難隨狗黨嗥易卦已曾稱小畜書篇底用詫靈爨
主翁要使防門戶免逐韓盧較獵勞

題犬

元貢性之

深宮飽食恣猙獰臥毳眠羶慣不驚却被捲簾人放出
宜男花下吠新晴

白鹿

明瞿佑

角端字刻表銅牌知向宜春勝地來仙子倒騎歸闥苑
聖君馴養在靈臺長生自得千年壽間色誰將二女猜
待看呦呦食苹後吹笙鼓瑟慶筵開

猿

唐杜甫

裊裊啼虛壁蕭蕭挂冷枝
艱難人不免隱見爾如知
慣習元從衆全生或用奇
前林騰每及父子莫相離

夜猿

唐馬戴

日飲巴江水還啼巴岸邊
秋聲巫峽斷夜影楚雲連
露滴青楓樹山空明月天
誰知泊船者聽此不能眠

猿

元宋无

巴峽聞聲愁斷腸冷泉照影綠陰涼
藤搖亂雨領兒過樹曬斜陽拾蠅心
獻果去尋幽洞遠攀蘿來撼落花香
空山月暗無人見啼入白雲深處藏

又

唐徐寅

宿有喬林飲有溪生來踪跡遠塵泥
不知心更愁何事每向深山夜夜啼

白兔

明瞿佑

白玉狡狴脫羈羈遠隨重譯到皇畿
儂山昔慣餐霞草月殿今看舞羽衣
塵褐已將狐換腋霜毫欲與雪爭輝
蒼鷹黃犬休回顧拔宅西來得所依

黑兔

明曾棨

傳聞三穴久儲精日啖玄霜異質成
八竅總含蒼露溼一身斜躡黑雲輕
行來青瑣應難覓立向瑤臺却盡驚

自是太平多瑞物，願隨毛穎咏干城。

乞猫

明文徵明

珍重從君乞小狸，女郎先已辦氍毹。自緣夜榻思高枕，端要山齋護舊書。遣聘自將鹽裹箸，策勳莫道食無魚。花陰滿地春堪戲，正是蠶眠二月餘。

懶猫

附張劭

豢養空勤費，夜呼性慵奈。像主人何鬚，燃爨穴防寒。早目送跳梁，戒殺多食少。魚腥春悶悶，眠殘花影雪。皤皤長卿四壁雖，如水誰管偷。詩物似梭。

猫兒

宋林逋

織鉤時得小谿魚，飽臥花陰興有餘。自是鼠嫌貧不到，莫慚尸素在吾廬。

碩鼠

元鄧文原

禾黍連雲待歲功，爾曹竊食素餐同。平生貪黠終何用，看取人間五技窮。

銀鼠

和名志呂祜須美

附張劭

杏山穴產耀靈鼯，獵網追風捕幾何。竄地捷于逃月兔，跳空亮比擲星梭。松林溜粉宵還避，雪窖爭輝冷却過。總為微名誇世寶，新來冠服借伊多。

鱗部

龍

明陳成

變化非常物含生類不羣天淵無定在大小忽相分萬
甲盡藏雨渾身通繞雲蒼生方待澤莫只睡無聞

雷雨起龍

宋范成大

雨工避事欲蟠泥帝遣豐隆執以歸連鼓一聲人失箸
不知破壁幾梭飛

鯉魚

唐章孝標

眼似真珠鱗似金時時動浪出還沉浪中得上龍門去
不歎江河歲月深

黃魚 和名象不加

唐杜甫

日見巴東峽黃魚出浪新脂膏兼飼犬長大不容身筒
桶相沿久風雷肯為神泥沙卷涎沫回首怪龍鱗

金魚

明瞿佑

逐隊隨羣樂自如桃花浪暖變形軀散如萬點流星迸
聚似三春濯錦舒玉帶高懸知陛見紫囊同賜憶朝除
池中有此稱三寶須備神龍攫火珠

又

明朱之蕃

誰染銀鱗琥珀濃光搖鬢鬣映芙蓉清池躍處桃生浪
綠漾分開金在鎔丙穴靈源隨地湧離宮正色自天鍾

羣魚漫爾同游泳竚見飛空化赤龍

比目魚 和名加礼以

附 吳偉業

比目誠何恨滄波作伴遊幸逃網罟厄可免別離愁小
市時珍改殘書土物收若逢封禪詔定向海邊求

白小

和名志呂字緒

唐杜甫

白小羣分命天然二寸魚細微霑水族風俗當園蔬入
肆銀花亂傾箱雪片虛生成猶捨卵盡取義何如

膾殘

和名志呂字緒

附 吳偉業

棄擲誠何細夫差信老饕微茫經七箸變化入波濤風
俗銀盤薦江河玉饌高六千殘卒在脫網總秋毫

燕窩

海燕無家苦，啣白小魚却供入。採食未卜汝安居，味入金壘美巢營。玉壘虛大官，求遠物早獻上林書。

小魚

唐 盧 綸

蓮花影裏暫相離，纔出浮萍值罟師。上得龍門還失浪，九江何處是歸期。

介部

龜

唐 徐 寅

行止竟何從，深溪與古峰。青荷巢瑞質，綠水返靈踪。鑽骨神明應，酬恩感激重。僊翁求一卦，何日脫龍鐘。

放龜

唐 司空圖

世外猶迷不死庭，人間莫自恃無營。本期滄海堪投迹，却向朱門待放生。

賦得辨送人之官

明 高 啓

吐沫似珠流，無腸豈識愁。香宜橙實晚，肥過稻花秋。出籓來深浦，隨燈聚遠洲。郡齋初退食，可怕有監州。

酬寄海蚌

唐陸龜蒙

藥杯應阻蚌蝦香却乞江邊採捕郎自是楊雄知郭索
且非何胤敢餵鯨骨清猶似含春靄沫白還疑帶海霜
強作南朝風雅客夜來偷醉蚤梅傍

蛤蜊

宋孔武仲

去年曾賦蛤蜊篇旅館霜高月正圓舊舍明從今好在
新時節物故依然棲身未厭泥沙穩爽口還充鼎俎鮮
適意四方無不可若思鱸膾未應賢

水族襍部

海蟄 和名久良計

元謝宗可

層濤擁沫綴蝦行水母含秋孕地靈海氣凍凝紅玉脆
天風寒結紫雲腥霞衣褪色水延滑瑤縷烹香酒力醒
應是楚江萍實老誤隨潮信落滄溟

海參 和名奈麻古

附 吳偉業

預使燂湯洗遲纜入鼎鑊禁猶寬北海饌可佐南烹莫
辨蟲魚族休疑草木名但將滋味補勿藥養餘生

蛙

明張維

熟梅天氣雨初收何處蛙聲隔水樓鼓吹翻嫌驚好夢

公私誰為亂，閑愁薰風候。已違花信碧，草涼應動麥。秋
赤鯉聞雷爭變化，爾能燒尾躍雲否。

蝌蚪

亂點斑斑撒豆紋，縱橫聚散自成羣。桃花浪裏翻香墨，
柳絮池邊漲黑雲。孔壁遺書端足擬，秦宮劫火豈能焚。
到頭借得風雷便，脫略凡胎鬧夕曛。

昆蟲部

蠶

辛勤得繭不盈筐，燈下綵絲恨更長。著處不知來處苦，
但貪衣上繡鴛鴦。

唐 蔣貽恭

蟬

唐 李商隱

本以高難飽，徒勞恨費聲。五更疎欲斷，一樹碧無情。薄
宦梗猶泛，故園蕪已平。煩君最相警，我亦舉家清。

金 党懷英

又
稿壤陰潛罷轉丸，飄飄便作飲中僊。幽荒何處秦枯蛻，
別樹還來續斷絃。小院日長春夢覺，空庭人靜綠陰圓。

無情物化誰能料觸撥羈懷一慨然

又

唐虞世南

垂綫飲清露流響出疎桐居高聲自遠非是藉秋風

又

宋寇準

寂寂宮槐雨乍晴高枝微帶夕陽明臨風忽起悲秋思
獨聽新蟬第一聲

夜蟬

唐唐彦謙

翠竹高梧夾後溪勁風危露雨淒淒那知北牖殘燈暗
又送西樓片月低清夜更長應未已遠煙尋斷莫頻嘶
羈人此夕如三歲不整寒衾待曙雞

聞蟬

唐許棠

造化生微物常能應候鳴初離何處樹又發去年聲
聲隨風遠悠揚類葉輕報秋涼漸至嘶月思偏清互默
疑相答微搖似欲行繁音人已厭朽殼蟻猶爭朝士嚴
冠飾宮娥逞鬢名亂依西月噪多引北歸情篠露疑漉
吸蛛絲忽迸縈此時吟聽久不覺萬愁生

蜂

明俞允文

春晴逢穀雨泛濫繞林篁逐醉繁輕袂纏花獵異香
樓懸玉宇疊構隱金房靈化知何術神功寄藥王

又

唐李商隱

沙苑華池爛熳叢後門前檻思無窮
宛如腰細纔勝露
趙后身輕欲倚風紅壁寂寥崖
蜜盡碧簾迤邐霧巢通
青陵粉蝶休離恨長定相逢
二月中

又

唐羅隱

不論平地與山尖無限風光盡被占
採得百花成蜜後
不知辛苦為誰甜

又

明郭登

藹藹華華競採花蜜房收課作生涯
知他有甚經綸處
也向潮時報兩衙

蝴蝶

唐鄭谷

尋艷復尋香似閒還似忙
暖烟沉蕙徑微雨宿花房
書幌輕隨夢歌樓誤採粧
王孫深屬意繡入舞衣裳

又

唐李建勳

粉蝶翩翩若有期南園長是到春歸
閒依柳絮參差起
困傍桃花獨自飛
潛被燕驚還散亂
偶因人逐入簾幃
晚來欲雨東風急
回看池塘影漸稀

又

唐徐寅

拂綠穿紅麗日長
一生心事住春光
氤嫌神女來行雨
愛伴西施去採香
風定只應攢菜粉
夜寒長是宿花房
鳴蟬宿分殊為閣空
解三秋噪夕陽

又

宋謝無逸

粉翅雙翻大有情海棠庭院往來輕當時只羨滕王巧
一段風流畫不成

又

桃紅李白一番新對舞花前亦可人纔過東來又西去
片時遊遍滿園春

黃蝶

明瞿佑

誤入蜂房不待媒巧傳顏色換凡胎遠籬野菜流連住
何處金錢變化來傳粉已知前事錯偷香未信此心灰
上林鶯過頻回首一色毛衣莫用猜

白蝶

附張劭

翅塵何處不參差美爾輕衫未化縑雪已盡時還舞草
梅纔開後忽粘枝閒窗春暗來先鬼午枕風清去不知
底事野花名濫竊寄人籬下画燕脂

紅蜻蜓

明瞿佑

蝶粉蜂黃氣正驕愛渠款款集蘭茗翅攢霜葉飛難定
目聚燈花焰未消偷咀僊霞傳秘訣戲塗腥血點纖腰
寫生好倩昆陵筆濃蘸胭脂上軟綃

螢

唐李嘉祐

映水光難定凌虛體自輕夜風吹不滅秋露洗還明向

燭仍藏焰投書更有情猶將流亂影來此傷簷楹

又 梁元帝

著人疑不熱集草誅無烟到來燈下暗翻往雨中然

又 唐郭震

秋風凜凜月依依飛過高梧影裏時處暗若教同衆類
世間爭得有人知

又 唐羅鄴

水殿清風玉戶開飛光千點去還來無風無月長門夜
偏到堦前點綠苔

又 唐白居易

聞蛩唧唧夜綿綿况是秋陰欲雨天猶恐愁人暫得睡
聲聲移近臥牀前

促織 唐杜甫

促織甚微細哀音何動人草根唵不穩牀下夜相親久
客得無淚故妻難及晨悲絲與急管感激異天真

又 明朱之蕃

閒堦聲徹瑣窗中暗送梧桐落葉風高韻不綠矜戰勝
微唵端欲助機工兩餘切切昏鐘動燈下叨叨午漏通
催得匹成輸稅蚤貽人安枕不言功

戲題鬪促織 明張維

自離草莽得登堂賢主思優念不忘飽食寰城常養銳
怒臨沙塹敢摧強敵聲夜振鬚仍奮壯氣秋高齒漸長
眼底孽餘平剪後功成誰復論青黃

絡緯

明朱之蕃

誰遣縲車徹夜鳴頻催雲錦織當成送來枕上繁詩思
聽向牀頭繫旅情露濯籬英增絢爛風傳鄰杵和淒清
水蠶窠繭知難覓何似秋蟲巧弄聲

紡織婆

漚麻曝絮歲功成蟲語潛催布縷征籬落聲宏眠詎穩
草蟲音切聽偏傾連綿欲伴孤燈炯悽惻還借細雨鳴

幾度停車增悵結悠悠不斷似離情

蒼蠅

生從汗穢忽雄飛鼓翅搖唇覓已肥騰酒殘羹沾醉飽
青絲白壁妬光輝營營引類來同惡戀戀依人不暫違
驅斥雖嚴還易集持將塵尾莫停揮

蚊

明陳成

白鳥向炎時營營應苦饑進身因暮夜得志入簾帷虛
吸吾方困飛颺汝自嬉西風一朝至蕭索竟安之

蠨子和名不土

唐元稹

蠨子微於蚋朝繁夜則無毫端生羽翼針喙嗜肥膚暗

毒應難免羸形日漸枯將身遠相就不敢恨非辜

浮塵子 和名宇牟加

可嘆浮塵子纖埃喻此微寧論隔紗幌併解透綿衣有
毒能成瘡無聲不見飛病來雙眼暗何計辨雲霏

巴蛇 和名宇巴波味

巴蛇千種毒其氣鼻塞地掉舌翻紅焰盤身感白花噴
人豎毛髮飲浪沸泥沙欲學叔敖瘞其如多似麻

蜘蛛

蜘蛛天下足巴蜀就中多縫隙容長踦虛空織橫羅縈
纏傷竹柏嚼噬及蟲蛾為送佳人喜珠櫛無奈何

蛛網

明瞿佑

來往巡檐不彈劬經營何異絹吾廬曉風倒挂蜻蜒尾
暮雨雙粘蛺蝶鬚屋角儘教長掩護杖頭不用苦驅除
夜來露重春烟暝綴得瑩瑩萬顆珠

壁魚

唐李遠

鱗細粉光鮮開書亂眼前透窗疑漏網落硯似流泉潛
穴河圖內吞鉤乙字邊莫言鬢鬣小食盡白蘋篇

蝸牛

宋蘇軾

腥涎不滿殼聊足以自濡升高不知回竟作粘壁枯

蟻

唐元稹

時術功雖細年深禍亦成攻穿漏江海嚼食因鮫鯨敢
憚椽櫨蠹深藏柱石傾寄言持重者微物莫全輕

咏物詩選卷第八終

右正誤凡十三

大江資衡識

右詠物詩選八卷乃余師長仁先生所輯以為家塾
課本者也先生嘗言詩之有詠物猶時藝之有小題
作詩者以詠物為先猶作時藝者以小題為始故錄
成一帙以示又彭兄弟其詩共一千四百有四首卷
帙無多而物類已備誠詩學之津梁也又彭不敢自
私謹梓行世以公同好世有從事於詩者乎請先詠
物世有從事於詠物者乎請先是編乙巳午日嘉善
沈又彭識

詠物者詩家之一體也。作者之所難。而選之亦難矣。夫詩有二端。寄贈之與詠物。劃以鴻溝也。寄贈專尚聲調。詠物必要形似。且詠物之難也。語巧則害於辭。調高則踈於物。魚與熊掌不可得兼也。若夫詠物而合作。如鄭鷓鴣。素白燕。豈乏於聲調哉。雖然此

編之所選。在此不在彼也。昔者謝太傅有言曰。九方歎之相馬。畧其玄黃。取其駿逸。家君為叅訂。使小子翰讐。校也。意其在于此與。其在于此與。

辛丑夏五

大江維翰

識



大江玄圃先生著述目錄 書林九成堂識	
孝經古點	一卷
詩經國字解 <small>玄圃校</small>	十卷
古文後集傍訓	二册
歷朝咏物詩選 <small>玄圃校</small>	八卷
翁長祚咏物詩 <small>玄圃校</small>	二卷
玄圃集初編 <small>詩部自一至五</small>	
同初編 <small>文部自一至五</small>	
玄圃集二編 <small>詩部自一至五</small>	
同二編 <small>文部自一至五</small>	
孝經韻字解 <small>玄圃校</small>	一册
書經國字解	十卷
三體詩解	三册
盛唐詩格	四卷
江吏部集 <small>玄圃校</small>	四卷
問佩集 <small>韓客唱和</small>	一册
友詩 <small>諸名公詩玄圃選</small>	三册
玉振集 <small>諸名公詩玄圃選</small>	三册
書家畧 <small>古唐宋元明</small>	嗣出

唐詩冕	一冊	詩語國字解	二卷
唐詩紳	一冊	詩礎國字解	二卷
唐詩靴	二卷	詩聯光彩數量牋	二帖
熟字解	二冊	詩聯雙對通用牋	二帖
大和忠經	二冊	職原手引歌	二冊
間合早學問	二冊	學翼 <small>早學問後編</small>	二冊
女學範	二冊	女早學問	二冊
名媛墨妙集 <small>玄圃輯</small>	三卷	觀月帖 <small>石摺</small>	一帖
日本詩故事選 <small>東陽著</small>	二卷	菅公手植梅銘 <small>石摺</small>	一冊
琴學入門	嗣出	臨米元章千字文 <small>石摺</small>	嗣出

玄圃先生校訂
 天明元年辛丑六月吉旦

京都書林

山本平左衛門
 中川藤四郎
 武村嘉兵衛
 林權兵衛
 齊藤庄兵衛
 田中甚兵衛
 藤井孫兵衛
 野田儀兵衛
 林伊兵衛

楠 全

Handwritten signatures and notes in cursive script.

